

Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Guicc 10.10.34










Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Guicc 10.10.34



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Guicc 10.10.34



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Guicc 10.10.34

GUICCIARDINI


10

10

34


Biblioteca Nazionale  
Centrale - Firenze

10-10-34






Bi  
C










VATICINIVM QVO PRAEDICITVR  
VNIVERSVM ORBEM TERRA-  
RVM CHRISTIANAE RE  
LIGIONIS IMPERIVM  
SVBITVR VM

\* \* \* \*

\* \* \*

\*







HIERONYMI Amasei Vtinenſis Bononia oriundi  
Poetae, & Philoſophi Poema ad Accuſum Maineriũ  
Auenionenſem Iureconſultum Clariffimum, & Ludo-  
uici Chriſtianiffimi Gallorum Regis Apud Venetos  
Oratorem Facundiſſimum.



Sq; adeo ancipiti titubāt prae cordia  
cura,  
Tam diuerſa meo uolitant ſimulacra  
cerebro,  
Vt tot imaginibus, rerũq; agitata figuris  
Vix ſibi mens conſtet. Modo nam ſententia ſurgit,  
Et iuuat æternam mihi quærere carmine famam.  
Euehor o quoties, uideor que audire minores  
De me magna loqui, noſtræque applaudere muſæ.  
Tunc mihi conſurgunt criſtæ, tunc laurea cingunt  
Serta caput, tunc te ſpernentem fulmina laure  
Oſcutor, atque tuæ ueneramur frondis honores,  
Laure o delitium phœbi & dulciſſima cura,  
Atq; nouenarum ſpes unica laure ſorum,  
Militiæ ſummumq; decus, te nanq; potiri  
Laure triumphantes tantum potuere Quirites.  
Cæſaribus facis eſſe pareſtu laure poetas.  
O furor, ipſe mihi ſic blandior, omnia de me  
Vt mihi pollicear, tanta dulcedine noſtri  
Afficimur cantus, tantum mea ſcripta placent mi.  
Præcipue inſinuant cum ſe mihi Phœbus & Euan,  
Et gemino accendunt œſtro, mortalia membra  
Exuere, atq; hominem reor, & non uoce ſonare



Amplius humana, mensiq; accedere diuum,  
Nec mihi diuitiæ, nec sunt diademata curæ.  
Quin age (mira fides,) subsidere terra uidetur,  
Et mare fluctuagum, uideor iamq; aere in ipso,  
Famæ intrasse domos, captareq; murmura famæ.  
Parte alia uaria occurrunt incommoda uitæ,  
Nanq; angusta premunt patrimonia, cogimur artes  
Exercere nouas, aut mēdicare poetæ.  
proh pudor o mores o ferrea tempora, diues  
Ingenium admirans, & dia poemata, tantum  
Laudibus indulget, magniq; imitator Homeri  
Diceris, Andini datur aut tibi gloria plectri,  
Immemor & locuples studii, uigilisq; lucernæ,  
Vexatæq; diu mentis, nihil usq; mouetur,  
Nec tibi succurrit quanquam bene nouit egentem,  
Sæpius & ueteris compellat nomine Codri,  
Si quicq; exposcas submissior, utq; coactus,  
Impulsusq; fame, te spectans lumine toruo  
Nil dat, & oceano fit surdior ille furenti.  
Pœnitet hinc sacros toties hausisse liquores,  
Et lauru cinxisse comas, tum tempora uittis,  
Atq; corymbifera crines ornasse corona.  
Hinc iræ, hinc odium musarum, hinc tædia Nysæ  
Cirrhæiq; iugi, phœbusq; inuisus, & Euan.  
Franguntur calami, pereunt & carmina flammis,  
Tantaq; diuini subito monumenta laboris  
Obruit irati sæua inclementia uatis,  
pertæsum toties est tanti nominis, ut se



333  
Præcones malint quam dici forte poetas,  
Quam tolerare famem, paupertatisq; labores.  
Candida quid ueterum modo conquerar ocia uatum?  
Felicesq; dies, quantoq; elatus honore est  
Scipiadum in tumultis dum conditur Ennius altis.  
Quamue hilari Augustus suscepit fronte Maronem,  
Hospiciumque dedit uati, atq; indulsit Alexim,  
Pascua qui uacuis curis prælusit & arua,  
Afflatusq; deo mox protulit arma uirumq;.  
Hunc & Mecænas uenusini cultor oloris  
Fouit, & est gemino sublatus in æthera cantu,  
Quid referam Fabios? quid Cottas? quid Proculeios?  
Atq; alios, doctas qui prouexere camœnas?  
Deficeret nos ipse dies, si plura petamus  
Exempla, & prisca nota indulgentia sæcli est.  
Sed Ducibus nostris hac tempestate poësis  
Despecta, & ronchis, rigidisq; excepta cachinnis  
Fugit, & arcanas petiit pudibunda latebras,  
Indoluitq; simul tristes miserata poetas,  
Vt maria, ut terras marcescere uidit inerti  
Desidia, & pigro gentes torpere ueterno,  
Vidit & angusti contentos limite regni  
Reges in plumis uilescere Sardanapali,  
Nec famæ accendi stimulis & nobilis ocii,  
Dum iuuat obscœnas uitia exercere per artes,  
Tam uarios luxus non Helius ille Gabalus  
Commentusq; suo tot blandimenta palato est  
Quot uidet hæc ætas scrutarier atria regum.

a iii



Lenonum turbæ, Mimis, scelerumq; ministris  
Regia tota patet, delatorumq; Trifulcæ  
Permulent linguæ generosi Principis aures,  
Nullus quippe bonis locus est, migrate poetæ,  
Non Mecœnates occurrunt fronte serena,  
Nullus & Augustus, liquere palatia musæ,  
Et regum thalamos, nulli iam carmina curæ,  
Nullus Apollinea splendet nummus in arca.  
Nec tantum sacri patiuntur talia uates,  
Sed quoq; pauperiem queritur duosq; labores  
Quisquis quæ uulgo non intellecta reuoluit,  
Liberæ quæ perstant terrenæ pondere molis,  
Quæ non lucra parant, animo sed grata seuro  
Aut saturant mentem ambrosia, uel nectare dulci,  
Noscere nam sese est epulas gustare deorum.  
Quiq; patrem rerum trinum scrutatur & unum,  
Mysticaq; inspectat diuini dogmata Mosis,  
Quisquis & ætherias mentes sacrosq; recessus  
Rimatur sophiæ, longoq; examine causas  
Naturæ explorat, dehinc cuncta elementa pererrans,  
Quo corrumpantur generentur & omnia motu,  
Et qui stelliferum late circûspicit orbem,  
Gaudet & æternas signorum noscere leges,  
Deliquium lunæ, & tectum ferrugine solem,  
Cælestesque plagas, labentiaque astra, Polosq;  
Et quodcûq; iubar cæli miratur & axes.  
Nec non qui puro perstringit lumine mentis  
Vnum cur numeri sit finis, fons, & origo,



Fœmina dicatur cur par, cur masculus impar,  
 Vnde incrementum decrementumque resultet.  
 Centrum, lineola, & quid planum, quidue profundum,  
 Angulus, & quid sit quadratum, quidue rotundum.  
 Quicquid & Euclides metitur mille figuris.  
 Qui tenet immensi quæ sit concordia mundi,  
 Quæ bona temperies sit corporis atq; animai  
 Quidue melos uariis quod pangitur instrumentis,  
 Dum cantu, aut pulsu, dum mulcet flatibus aures.  
 Deniq; qui sacræ sese in penetralia mentis  
 Colligit, & uerum rationibus eruit altis  
 Despiciens uani studium incurabile uulgi  
 Nudus inops quoties stomacho languente famescit,  
 Scilicet expectas ad cœnam ut forte uocetur  
 Principis? atq; illi facilem dux præbeat aurem.  
 Miratus genium, & spirantia corda Mineruam?  
 Non equidem nostro tanta est clementia sæclo,  
 Qui tantū excipimus quodq; utile, quodq; necessum est,  
 Hinc igitur Medicis locus est iurisq; peritis,  
 Qui sæpe exclamant, dat sanctio cæsariana,  
 Datq; Galenus opes, paleas sed cætera præstant.  
 Ergo ego quid faciam? quid uatum uana morantur  
 Somnia me ambiguum, furor est non cedere uero.  
 Vox populi, uox certa Dei est, ergo ocyuseia,  
 Incipiam medicam meme exercere per artem.  
 Hippocratisq; colam medicinæ oracula coi,  
 Teq; Galene sequar, Pauliq; uolumina uoluam,  
 Tuq; Auicenna meis manibus uersabere semper,

a iiii



Vosque alii quorum medicina est aucta labore.  
Inspiciamq; genus morbi, causasq; latentes,  
Et uarios casus atque experimenta notabo,  
Diuersisq; modis ægris medicamina miscens,  
Atq; salutiferis componens pocula succis  
Curabo infestis languentia corpora morbis,  
Conabor reducem morienti reddere uitam,  
Et quicquid medicum decet experiemur ad unguem.  
Hinc sperare licet census, populiq; fauorem,  
Diuitibus medicis magni referuntur honores,  
Monstrantur digito, locupletes dicitur hi sunt.  
Despicimur uates, totaq; explodimur urbe,  
Vt genus ignauum, ualeant iam deniq; musæ,  
Vsq; & in exitium dulces, nec pectora uanis  
Iam mea sollicitent curis æstroque furenti.  
Has postquam effudi contracta fronte querelas  
Accurrit nobis accursus omine fausto.  
Quem genuit clara quondam Auenionis in urbe  
Indyta Maineriæ Gulielmus gloria gentis,  
Interpres legum nostro celeberrimus æuo,  
Et iubar æternum iuris columeq; perenne,  
Quem puerum Herculea cum uidit fronte fugantem  
Sponte uoluptatem uirtus sibi fecit alumnum,  
Septem perq; gradus studiorum duxit, & artes  
Altius ingenua tenera in præcordia misit,  
Indidit & sacrum dogma, & ciuilia iura,  
Qua duce Gallorum sancta in penetralia regum  
Ocyus accitus summo in discrimine rerum.



Sæpe palatinas cœpit defendere causas  
 Magno in consilio Regis, quem maximus armis  
 Carolus octauus miro dilexit amore  
 Ob subitam in rebus titubantibus ingenii uim,  
 Quo narbonensis prouincia iudice gaudet  
 Sextiacas ad aquas populis quia iura ministrans  
 Iudicibus præstet reliquis uelut Aeacus alter,  
 Quem quoq; & augusta rex maiestate uerendus  
 Bellorum pacisq; potens Ludouicus amico  
 Lumine respiciens mox belli cum duce montis  
 Polgniaco armorum rutilanti fulmine iano  
 Oratum ad Venetos ut firment fœdera misit.  
 Qui postquam excepti patefacta principis aula,  
 Effariq; datum est, Accursi in pectore Pallas,  
 In membris charites, Sirenq; in gutture sedit.  
 Obstupuere patres, faciles Dux inclytus aures  
 Præbuit, & sacro responsum protulit ore,  
 Inde Deum supplex trinum testatus & unum  
 Crudeles fidei pia fœdera sanxit in hostes  
 Principis Augusti Numen sanctusque Senatus.  
 Ad diuerticulum sed Calliopea redito,  
 Nam si fata dabunt hæc & maiora canemus.  
 Lacteus eloquii fons, Perfugiumq; poesis  
 Dulce & Amasææ decus & spes maxima musæ,  
 Accurrit nobis Accursius, atq; ita fatur.  
 Cur mentem exagitant turbæ? cur pessima uulgi  
 Consuetudo placet lucrique insana libido?  
 Improbe cur diuas potuisti expellere musas?



Quas immista Ioui concepit nocte nouena,  
Postq; nouem menses tenues effudit in auras  
Mnemosyne, Auricomusque sibi coniunxit Apollo,  
Vt mulcere deos & mundi uiscera posset  
Cantibus alternis, uariasque agitare choreas  
Per iuga parnasi semperq; uirentia tempe.  
Liberaque excoleret studia, eueheretque poesim  
Semideumque genus, uates, inferret olympo,  
Infereretq; globis astrorum, animisque potentum  
Heroum æquaret, cœlo quos inclyta facta,  
Pacatæque urbes, prostrataq; monstra tulere.  
Quid tibi Aristotelis profunt, quid dicta Platonis  
Quos sequeris? dubitas ne famem, si respicis ipsam  
Naturam? quæ parua petit, contentaque paruo est.  
Cæcus inops inter scopulos (Verum auspice Phœbo)  
Iliadem atque ithaci ambages cantauit Homerus,  
Atque in pistrino lusit sua carmina Plautus.  
Si quæris laudes, satis est sibi conscia uirtus,  
Se spectans propriisque bonis bonus Hercule gaudet,  
Irridetque uices sortis, mediumque tuetur.  
Olim etiam pauci paucos coluere poetas,  
Clarum & n. rarum est, & uatum turba minuta  
Non fuit in pretio, picasque odere loquaces,  
Proque suis ausos aliorum ostendere lusus,  
Qui merito elusi subiere opprobria corui,  
Quem Iunonis aues ubi conspexere superbis  
Centoculi Peninis incedere condecoratum,  
Inuasere truci rostroque, atque unguibus uncis,



Membraque nudarunt nitido pavonis amictu,  
 Riserunt Phœbi uolucres, fugit ille, latetque,  
 In lucem plumis donec prodiret obortis.  
 Legulei & Medici, & temeraria Causidicorum  
 Turba ostentat opes, loculi sed uera fatentur,  
 Angusti que lares, & census summa pusilli,  
 Lucrari que uides insignes, quique fauente  
 Fortuna præclarum aliquid gessere merendo.  
 Ocia lucentur Vates spirare canendo  
 Altius assueti, & uicturum condere carmen.  
 Ferrea quod clames modo tempora, & ocia regum  
 Marcida, quod scelerum uigeat genus omne per orbem,  
 Quodque ducum insidiæ & luxus præcordia uexent,  
 Regnet & in terris sitis insatiabilis auri,  
 Edomitasque regat gentes fucata Voluptas,  
 Cedo equidem, nam uera canis, sed uindice digna.  
 Huc igitur mentem aduertas, atque auribus audi.  
 Cum iam peruentum est summa ad fastigia rerum  
 Naturæ ratus ordo iubet mox cedere retro,  
 Hoc rota fortunæ docet hoc sol aureus imos  
 Dum petit Antipodas roseos rediturus ad ortus,  
 Hinc Deus aspiciens nutantem erroribus orbem  
 Heroum accendit mentes, atque impulit ultro  
 Deferrent omnes Ludouico ut Gallica regna.  
 Corde sedens medio sapientia uincere primum  
 Quem docuit sese, melius quo cætera uincat,  
 Militiæ numeros absolueret fecit & omnis,  
 Discere & a puero, quæ Chiron iussit Achillem,



Currere, uenari, pugnascq; agitare feroces,  
Cuncta pati, & uariis sese obiectare periclis,  
Vt foret & belli fulmen, Christi q; tueri  
Posset ab hoste fidem semper uictricibus armis.  
Qui postquam accepit sceptrum & diadema, repente  
Concipit ingentes animos, maiorq; uideri  
Gaudet, & herculeas iam uersat mente columnas,  
Monstraq; perdomita, Alcidaæque æquare labores  
Fert animus, certatq; sequi uestigia magni  
Caroli, & infestis terris auertere pestes,  
Tot scelerum facies, totq; instrumenta malorum,  
Et maumetæas ardet iam perdere gentes,  
Turcarumq; genus, persas, celeresq; gelonos,  
Prodigiisque orbem pacatum reddere cæsis.  
Cui primum Veneti tanto in molimine rerum  
Occurrere animo, & cordis subiere recessus,  
Quorum consiliis, atque auxiliaribus armis  
Iam sibi parthenopæ, atque in subrum debita sceptras  
Subderet, & lapsis posset succurrere rebus.  
Nouerat hic & n. Veneti quam sancta Senatus  
Consilia extiterint semper, tum mente tenebat  
Quantus amor ueri, quanta & reuerentia recti,  
Et quanta in cunctis semper prudentia rebus,  
Et quanta in subitis fuerit præstantia, quantum  
Huius in aduerso uirtus interrita Marte,  
Quam sit uasta mari, quam magna potentia terris,  
Et quoties bello fidei superauerit hostes,  
Labentemq; fidem quoties crexerit armis,



Quamq; bonis faueant uitii genus omne perosi  
 Inclytus Augustus princeps, sanctusq; Senatus.  
 perpetua hinc igitur Ludouicus foedera iunxit  
 Cum Venetis, teneris coluit quos semper ab annis,  
 Inter quos utinam perstet concordia longis  
 Temporibus, semperq; fides, astræq; Virgo  
 Imperet, atq; æqua currat res bellica lance.  
 Fex hominum subito nanq; a radicibus imis  
 Excisa interitum pateretur, & oia terris  
 Læta forent, nobis præstarent mutua diui  
 Colloquia, ut tenero phama est, atque orbe recenti.  
 Non ne uides quanto succedant cuncta fauore?  
 Et quæ cura deum sit fandi, quæ ue nephandi.  
 Sfortia lernæo corruerat Hydra ueneno,  
 Aequoraq; & terras, centenaq; uerterat ora  
 In cælum, frustra; Iouem, superosq; petebat,  
 Quam modo terribili Ludouicus robore clauæ  
 Herculeæ aggressus, turba caputumq; recisa  
 Vertice uix uno fugientem compulit antra  
 Quærere, & in duras penitus sese abdere cautes.  
 Sed peiora manent alios, Turcæq; fugaces,  
 Tractari, & assyrii & pharii expectate ruinam.  
 En Veneti immisti gallis naualibus instant  
 præ sidiis, turcasque fugant toto aequore naues.  
 Eia age (quid dubitas?) surge, & maioribus ausis  
 Vtere, gorgonea cur te non proluis unda  
 largius? & toto non hauris pectore phœbum?  
 Delitiæ humani generis, summumque leuamen



Dulce q̄; perfugium sophiæ, tetricæq; Mineruæ,  
Qui fouet ingenuas artes hominumq; labores  
prouehit egregios, stimulisq; incendit honorum  
Præmia uirtuti statuens, semperq; poetas,  
Atq; oratores summo complexus amore est  
Pellæi de more ducis, qui semper habebat  
Hos quondam in castris accensus murmure famæ.  
Rex age Gallorum ludouicus numinis instar  
Te placido excipiet uultu, propriisq; fouebit  
Seruatum auspiciis, sacroq; afflauerit ore.  
Et dabit ingenio uires, dabit oia Vati  
Qualia Mecænas Flacco Augustusq; Maroni.  
Me duce tuta uia est, sequere, & mea iussa capeffe.  
Quid stas? en properage mino munimine fultus  
Eloquii & sophiæ, bella ecce ingentia bella  
Arma tibi grauiore tuba nunc ecce canendum est.

#### VATICINIVM

Hæc ubi Mainerius facundo protulit ore,  
Tunc ego tantarum uoluens exordia rerum,  
Gallorum quantumq; forent fælicia signa,  
Perdomitumq; ducem Insubrum uix marte cruëto,  
Et captas urbes sine cæde, & uulnere Callis,  
Et mecum repetens hinc atq; hinc altius omnes  
Et Veneti uires & fortia gesta Senatus,  
Totque etiam exuuias, tot partaq; ab hoste trophæa  
Vnanimes Venetis dum uidit Gallia reges,  
Nec non sponte sua subeuntem sceptrâ Cremonam  
Principis Augusti, quo non sapientior alter



Effulſit Venetis aut dux præſtantior unquam,  
 Quiq; magis fuerit pietatis cultor & æqui,  
 Imperium aut iuſtis qui tantum extenderit armis.  
 Caſtraq; nunc caſtris, claſſemq; aſſiſtere claſſi,  
 Arma armisq; uidens, telis ſociataq; tela,  
 Iunctaq; tormentis tormenta, imitantiaq; æra  
 Fulguraque & tonitrus, deiecta que fulmina cælo,  
 Et quam fœcundo certatim ſidera nexu  
 Iungere ſe accingant poſt uictum protinus orbem.  
 Diræ ubi iam facies, extinctaque monſtra iacebunt,  
 Reſpiciensque pii quæ prædixere prophetæ,  
 Et quæ fatidicæ quondam cecinere ſibyllæ  
 Exultant ſiſque bonis ſic ora reſolui.  
 Surge age Alexander, Chriſti qui Iura miniſtras,  
 Illiusq; uices geris, & cæleſtia regna,  
 Cui referare datum, Petro duce, & auſpice Paulo  
 Chriſticolæ hortare tuos, paſtorq; labantes  
 Erige oues, iuſtoq; uelis ſuccurrere bello,  
 Stareq; cum nequeant hominum ſine numine uires,  
 Auerſoq; deo cum ſit labor omnis inanis,  
 Tecum age centenis effundant uota Sacellis,  
 Et pia tura cremen, pileo qui tempora rubro,  
 Purpureoq; tegunt ſacrum uelamine corpus,  
 Nutantem ut ſiſtant uirtutum cardine mundum,  
 Pompaq; linigeri procedat candida cleri,  
 Iamq; faces uexilla Dei tum ſigna ferantur  
 Diuorum, ſacrisq; tubis circumſonet æther,  
 Et capite abraſo diſtinctas tegmine ſectas



Ire sacerdotum iubeas, laudesq; Tonantis  
Iam canere alternis, rogitareq; numina diuum,  
Vt placidi faueant, uatumq; oracula firment  
Galloꝝ, & Venetum socialia signa tuentes.  
Perge age Alexander, redeat cum maximus annus  
Iubilaq; & uenia iam tempora sancta propinquent,  
Quando ad aperta tua cælestis ianua dextra  
promptius humano generi pia iura uolenti  
Seruare, & falso sua crimina sponte patebit,  
purgati incipient, & libertate potiri  
Qui fuerant Sathanæ constricti colla cathenis.  
Et quæ sulphureis lustrantur ab ignibus orci  
Absterfis animæ maculis mox æthera lætæ  
Conscendent, summiq; boni iam luce fruuntur.  
Hæc ego dum canerem uenetam peruenit in urbem  
Borges cardinei decus ordinis, inque Senatu  
Mella senis pylii fundens, ithaciq; procellas  
Sponte duci Augusto diuinæ legis in hostes  
Auxilium pater alme tuum, uimque obtulit omnem  
Annue sancte parens, opus est maioribus uti  
Auspiciis, clarosque parat fortuna triumphos,  
Virtutique duci comitem sese addidit ultro.  
Cernere nam uideor terraq; mariq; potentes  
Iam Venetos Gallis immistos Marte secundo  
Hellepontiacas penitus perfringere fauces  
Bizantiq; urbem subito molimine captam  
Gaudentem fidei sub pristina iura reuerti.  
Et domitam bello, atque undantem sanguine thracen  
Aspico,



Aspicio, Aemoniamq; premi, subdique superbos  
 E mathiæ populos, quos quondam exhorruit orbis  
 Principe Alexandro, Bactros qui uicit & indos.  
 QViq; habitant delphos, & phocidis arua frequentant,  
 Aoniamq; colunt, dilectaq; mœnia Baccho,  
 Cephisque bibunt undas, laticesq; Aganippes  
 Arcadiam, ægialonq; tenent ditesq; Mycenæ  
 Aegæoq; mari dispersas Cycladas altas  
 Sub iuga iam uenient, & Christi signa sequentur  
 Sponte sua locri, Aetoliq; & fortis Acarnan,  
 Regnaq; qui pelopis, bimarem quique incolit Isthmon  
 Pars magna epiro, & reliquum latus illyricorum,  
 Et quondam sophiæ studiis insignis & armis  
 Attica Barbaricos mores, Turcasq; perosa  
 Exultat, penitusq; cupit socialia sceptrâ.  
 Et Bissena Asiæ dedent se regna minoris  
 Pontus, Cappadoces, Cilices, ditesque Bithyni,  
 Paphlagones, lydi, lytii, & Pamphylidis urbes,  
 Cariaq; & phrygia & magnæ uestigia Troiæ,  
 Quas alit Ionia & quas utraque Mysia gentes.  
 Deniq; quicquid habet Baïsettus, quicquid & olim  
 Turcarum rabies sæuis oppresserat armis  
 Riphæis effusa iugis arctoq; rigenti,  
 Totaque Othomani soboles & dira propago  
 Perfidaq; & diuum contemptrix edita ab imis  
 Eumenidum Thalamis ferro excindetur & igni,  
 Tartareumq; chaos furiarum impulsâ flagellis  
 Mox petet in præceps nunquam reditura sub auras.

b



Parta ubi de scythicis sed erit uictoria Turcis  
Impiger & magnis animis magnoque paratu,  
Proq; fide Eoas ibit Ludouicus in oras,  
Soldanumque armis aggressus & impete uasto  
Mox sacras redimet Solymas, Sanctumque Sepulchrū,  
Caluariæque locum, & Templum Solomonis iniquo  
Seruitio eripiet Regis populiq; nephandi,  
Cunctaque seruabit passi loca mystica Christi,  
Et Natale solum Bethilen, Galilæaque culta,  
Hierici irriguas ualles palmisq; uirentes,  
Samaritam, Tamnam, antiquamq; capeffet Ioppen,  
Et Ditem arbutis palmarum subdet Idumen.  
Lætitia exultans placidis sese exeret undis  
Iordanis, mollique rigans aspergine ripas  
Mililibus lätis applaudet murmure aquai.  
Hinc petet Aegyptum, & Pharias ubi cœperit urbes  
Memphim & Pyramides tumulum miratus Amasis,  
Assyriam intrabit, ueteri & Babylone recepta  
Mercibus Eois Habilem sine cæde Damascum  
Imperio adiiciet, Nabathæaq; regna subinde  
Atque Arabum populos uincet mollesque Sabæos.  
Armenios, Persas, Medos, Parthosque fugaces  
Mox sua fræna pati compellet fulmine belli.  
Postq; graues pugnas, totque inclyta regna subacta  
Pulchrior & reliquis fœcundior India terris,  
Hunc læto accipiet gremio, milesque potitus  
Fertilibus campis, populisque exceptus ab Indis  
Iucundo Hospitio mox instaurare beato



Membra cibo incipiet, propriasque resumere vires.  
 Dumq; nouum ferient foedus, Prestanque parabit  
 Arma armis Ianus signisque adiungere signa  
 Interea Libycas late populabitur urbes  
 Extremæ Hesperia Rex Ferdinandus Elisa  
 Regina studiis & religionis amore  
 Concitus, hinc regnum debellabitq; Thuneti,  
 Gaiusque altæ Byrsæ uidisse ruinas  
 Prosterneat numidas, rapiantque mapalia flammæ.  
 Et qua surgit Atlastum uertice sidera pulsat  
 Contundet Mauros ardenti Sole perustos,  
 Lothophagosque suis ubi iam compresserit armis,  
 Asbystis leges imponet rite colonis.  
 Hinc Nasamoniaci spectans monumenta tonantis  
 Ridebit ueterum ritus uanosque labores.  
 Indeque Marmaridæ, Getuli, tum Garamantes  
 Sidonii, Blemii, atq; incocti corpora erembi  
 Ethiopesq; omnes ultro pia iura subibunt.  
 Gorgadas hinc adiens uiset Phorcynidos antra,  
 Elysiosq; petet campos, atque arua beata,  
 Hortosque hesperidum & refluos mirabitur æstus.  
 Hæc inter uasto Bacchabitur æquore classis  
 Si qua ignota prius sese efferat insula lustrans.  
 Postque triumphatas gentes ingentia dona  
 Suspendenda Tholo mittet Solomonis in urbem,  
 Debita ut ætherio persoluat uota tonanti.  
 Tum uero ex omni contracto milite regno,  
 Innumerisq; ducum coeuntibus undiq; signis

b ii



Indorum instabit Prestan, diuosq; precatus  
Vsq; ad Hyperboreas cautes, rhiphæaque saxa,  
Et scythiæ indomitos populos tot regibus olim  
Foelices acies subito penetrare iubebit.  
Indica mox igitur transgressi regna potentes  
Occiduiq; indiq; duces arctoa subibunt  
Frigora, & irrumpent ingenti turbine belli  
In scythicas gentes, debaccatæque cohortes  
Per nemora ense prement carpentes uellera feres,  
Cathauiq; Urbem euertent, Regemq; superbum  
QVem magnum dixere Canem) Regisq; necabunt  
Progeniem, atque nouem Reges, nanq; ille nouena  
Comprimit Imperio (ut phama est) pulcherrima regna.  
Massagetasq; truces sternent uolucresq; Gelonos  
Frustra dum fugient saturatos sanguine Equino:  
Inde Sacas, Moschos, Arimaspos gryphibus hostes  
Cadusios, Bactros, Albanos, hostia caspi  
Quiq; tenent ponti, Tesqua aut Hyrcana pererrant,  
Inuadent, multaq; hominum iam strage peracta  
Cogentur sacrae fidei præcepta tueri.  
Hæc & Hyperborei sponte Attacoriq; capeissent.  
Parte alia Armipotens surget Germania Christi  
Defensura fidem, populosq; in bella ciebit,  
Heluetiiq; ruent, Cimbri, extremiq; Britanni.  
Indeq; Pannoniæ rex inuictissimus Acres  
Pannonas inducet fortes <sup>ad</sup> arma Boemos.  
Hincq; Polemonii, Daci, & Gens martia Rhoxi  
Commistisequitum turmis, peditumque cateruis



Aggressi fodient, detrudent, conficientque  
 Cimmerios. Chalybes, Tauros, sæuosque Tataros,  
 Eniochos, Zygios, Sindos, Hunnos, & Alanos  
 Sauromatas, Colchos, Basternas. denique & omneis  
 Quique bibunt Tanaim intrantem Mæotidis undas,  
 Quæque extrema colunt Glacialis littora ponti  
 Assilient, dedentque neci, spes nullaque uitæ  
 Tunc fuerit, nisi quis sacris lustrabitur undis,  
 Atque libens capiet Legis monumenta supernæ.  
 At postquam terras uictor pacauerit omnes  
 Almificamque fidem totus susceperit orbis  
 Auspice Alexandro, Venetoque fauente Senatu,  
 Ipse Triumphali redimitus tempora lauro  
 Frondentemque gerens ramum Ludouicus oliuæ  
 Et ducibus lætis & ouantibus undique septus  
 Militibus Gallis, Venetis, indisque uirenti  
 Velatis olea, sacrosque canentibus hymnos,  
 Mox repetet Solymas pacati debita mundi  
 Vota soluturus superi tibi Rector olympi.  
 Interea Victæ Gentes pia dona ferentes  
 Undique conuenient Sanctam Solomonis in Aedem.  
 Christicolæque fluent uariis e partibus orbis  
 Sacram urbem & tantos cupidi spectare Triumphos.  
 Inde Ludouicus sanctissimus induperator  
 Cum domini templum instaurarit diuite gaza,  
 Noctes atque dies solemnia sacra iubebit  
 Concelebrare choros, Nabathæaque tura frequentes  
 Accensis adolere focis, diuosque precari.



Ipse Deum supplex trinum ueneratus & unum  
Lætusaget grates, & munera magna tonanti  
Offeret e Spoliis hostilibus, inque uetusti  
Rapta trophæa ducum suspendet culmine templi.  
Deuotasq; preces sacro de pectore fundens  
Diuorumq; hominumque patrem promissa rogabit  
Vt bona iam terris cælo demittat ab alto,  
Aurea quo toto confurgunt sæcula mundo.  
Tum uero innumeris extollent laudibus omnes  
Hunc populi edomiti tot fortia facta canendo,  
Et grates superis tentabunt reddere dignas.  
Hoc duce quod Sathanæ uestigia cæca dolosi  
Respuerint demum Christi uexilla secuti,  
Quo duce & impietas expulsa, atq; obruta tandem  
Hæc Maumetææ fuerint ludibria sectæ,  
Dirutaq; exciderint Idola nefanda Deorum.  
Communemque patrem & dominum saluere iubebunt,  
Quo duce libertas, pax, & læta oia terris  
Reddita mox fuerint extinctis undique monstis.  
Te quoque Alexander tanti Gregis optime Pastor  
Illustremque ducem Augustum, Venetumq; Senatum  
Laudabunt læta ferientes sidera uoce,  
Quorum consilio & signis socialibus ultro  
Tot bona contulerit uictum Ludouicus in orbem,  
Tum Pater omnipotens uotis precibusq; Beati  
Induperatoris commotus ab Aethere summo  
Aurea iam toto demittet sæcula mundo.  
Angeliciq; chori, diuum sanctæq; cohortes



Incipient cælo delabi & uisere gentes,  
 Affariq; homines coram, auxiliisq; fouere.  
 Sol iubare augusto atq; aspectu Sidera læto  
 Aspicient terras, & rorem purior Aer  
 Arboribusque satisq; fauens disperget in agros,  
 Non mare turbabunt uenti fluctusque ciebunt.  
 Terra ferax paruo fundet sua munera cultu,  
 Omnia iam largo diffundet copia cornu.  
 Non genus humanum uexabunt horrida bella,  
 Non scelus, & rerum stimulat dira Cupido,  
 Et curæ in somnes fugient & tristis egestas,  
 Et metus, & fraudes, luxusque, & luctus acerbus,  
 Inuidia, & uarii morbi, pestesque recedent.  
 Omne malum sedes Erebi trudetur in imas,  
 Omne bonum ætherio tandem descendet o lympo.  
 Inter mortales regnabit & inclyta uirtus,  
 Et tantum integritas uitæ, spes, alma fidesque  
 Iustitia & pietatis amor, charitasque uigebit  
 Et timor in superos. Reuerentia tanta Tonantis.  
 Tantaque in humanis fuerit concordia rebus,  
 Tantaq; felicem iam gaudia sparsa per orbem,  
 Induperatoris Ludouici tantus honorum  
 Iam cumulus triplicis iam gloria tanta coronæ,  
 Vt mihi si totidem linguæ sint ora que circum  
 Quot quondam Inachidos gestabat lumina custos  
 Aerea uis lato uigeatque in pectore uocis,  
 Non ausim seriem tantarum expromere rerum,  
 Felices igitur quos hæc in tempora tandem



Viuere fata uolent, pacataq; regna uidere,  
 Felices inquam quibus aurea sacula surgent,  
 Affariq; datum diuos, diuumq; potiri  
 Posse bonis, uesci Ambrosiaq; & nectare diuum.,  
 O me felicem, fuerit si uita superstes,  
 Altisono æternos contexam carmine honores  
 Nam Ludouice tuos, totq; ardua facta canemus.  
 O ego ter fœlix Vates, si denique possim  
 Militibus lætis populoq; immistus ouanti  
 Rite triumphantem te nostro attollere cantu  
 Induperatorem mundi, mundique parentem.  
 Et quoq; nunc fœlix, fuerit si nostra camœna  
 Grata tibi, sanctoq; aderis mihi numine dexter,  
 Auspiciisq; tuis fœlicem ducere uitam  
 Si liceat, ueterumque mihi dabis ocia uatum,  
 Tunc uacuius curis Andinum accendere cornu,  
 Mœoniaq; tuba sacrum spirare canorem  
 Tentabo, paruoq; prius decurrere campo,  
 Assuescamq; tuas paulatim dicere laudes.  
 Post magis atq; magis cœlesti concitus œstro  
 Altius orsa canam uenturaq; sæcula mundo.

Finis

\*

\*Deo\* \*Gratias\*

\*

\*Amen\*

\*

M.CCCCLXXXVIII.DIE,XX.Septembris.



